



爾雅郭注義疏下之一

棲霞郝懿行

釋草第十三

說文艸百卉也从二少艸木初生也

商書曰庶艸蘇無天官九職謂之疏材大司徒以土

會之法辨其物生川澤立膏物墳衍宜莢物原隰宜

叢物鄭注膏當為橐字之誤也蓮芡之屬有橐韜莢

物薺莢王棘之屬叢物藿葦之屬淮南原道篇云秋

風下霜倒生挫傷高誘注草木首地而生故曰倒生

莊子外物篇云草木之倒植者過半說文葍艸木倒

是也草一曰蘇方言蘇草也江淮南楚之閒曰蘇論

衡云地性生草山性生木言生處之異也此篇所釋

品羅眾卉實多識之資也

藿山韭茗山蔥勤山薺蒿山蒜

今山中多有此菜皆如人家所種者茗蔥細莖

此釋菜也說文云菜艸之可會者故先釋焉韭蔥蒜  
 蒜皆人家所常種其生於山則異名幽風以春蚤獻  
 羔繫露因春生實豆小正以園見紀時是皆毓自家  
 園事同井竈韭曰豐本言其根豐而葉茂也其生於  
 山者別曰藿說文云藿艸也引詩會鬱及藿邗疏引  
 韓詩作藿藿一名鐵說文鐵山韭也南山經云招搖  
 之山有草焉其狀如韭郭注引璩曰韭爾雅云藿山  
 亦多之藿藿蓋以形近而誤說文韭一種而久故謂  
 之韭今驗韭宿根在地年年分栽故言一種而久山  
 中者亦象家韭而葉差狹根宿地自生○蔥之生於  
 山者名荅說文云荅艸也一切經音義八引爾雅舊  
 注云荅一名山蔥并州以北多饒荅蔥也北山經云  
 邊春山其草多蔥韭郭注山蔥名荅大葉與此注同  
 後漢書章帝紀注蔥領在燉煌西其山高大多蔥是  
 皆蔥生於山之證荅通作格馬融廣成頌云格韭菹  
 于章懷注荅與格古字通按荅蔥今名角蔥作莖生

有枝格旋摘旋生食之不盡其味甘而不辛冬亦不  
枯管子所謂伐山戎出戎菽及冬蔥卽此○齷者說  
文云菜也葉似韭按古蔥齷並稱內則言切而和以  
膏醯少儀言擇而絕其本末今惟用蔥不用齷矣王  
楨農書云野齷俗名天齷生麥原中葉似齷而小味  
益辛亦可供食但不多有蘇頌本草圖經云山齷與  
家齷相似而葉差大玉篇勤作芷廣韻引爾雅作芷  
山齷云芷蒲罪切本亦作勤○蒜之生於山者名蒿  
本草陶注小蒜根名薺子蜀本注云小蒜野生小者  
一名蒿說文蒜葦菜夏小正云十有二月納申蒜申  
蒜也者本如申者也按此卽今澤蒜生山澤間葉如  
鼻芷根如鳥申十二月及正月掘取食之古今注云  
蒜申蒜也俗人謂之小蒜爾雅翼云大蒜爲葫小蒜  
爲蒜二說並非蒜是總名葫乃俗稱申蒜自別一種  
非凡蒜俱名申也爾雅翼又引孫  
炎以蒿爲山名其上出蒿亦非

蕻山蕻

廣雅曰山蕻當歸當  
歸今似蕻而麇大



說文云蕝艸也蓋艸以蕝名者非一  
名白蕝說見下文本草云當歸一名  
廣雅以山蕝即當歸郭云當歸似蕝  
古芹字麇本今作麇李時珍云當歸  
花葉似芹故得芹名古今注云古人  
相招以文無文無一名當歸芍藥一  
名將離故也

### 椴木堇櫬木堇

別二名也似李樹華朝生夕  
隕可食或呼日及亦曰王蒸

釋文櫬本又作蕝堇本或作櫬詩有女同車傳舜木  
權也說文舜作蕝云舜木權朝華暮落引詩顏如舜  
華正義引陸璣疏云舜一名木權一名櫬一名曰椴  
齊魯之閒謂之王蒸今朝生暮落者是也又引樊光  
云別二名也其樹如李其華朝生暮落與草同氣故  
在草中按月令木堇榮爾雅草謂之榮是木堇草類  
也旣得榮名兼膺木號於義方備海外東經有薰華  
草朝生夕死郭注薰或作堇是亦以堇爲草名樊光  
所言非無據矣莊子逍遙游篇云朝菌不知晦朔釋  
文引司馬彪云大芝也一名日及支遁云一名舜英

潘尼云木槿也是支潘以朝菌為木堇司馬雖以為芝亦同日及之名堇菌聲近支潘是也釋文大椿又

引司馬云一名檨檨木槿也崔音檨華同然則椿聲亦相近椿檨聲又相轉然椿壽考而蕤脆薄名雖

同即實乖矣日及王羲之帖作日給給及通也抱朴子論僊篇云白芨料大椿白芨即日及字形之譌郭

云王蒸月令鄭注木堇王蒸也呂覽高誘注華可用作蒸是王蒸以作蒸得名今堇華蒸之可啖

**朮** **山** **薊** 今本草云朮一名山薊 **楊** **枹** **薊** 似薊而肥大

朮說文从艸作荒繫傳今荒苗似薊也本草云朮一名山薊一名山薑一名山連吳普本草又名山芥天

薊竝廣異名也陶注朮有兩種白朮葉大有毛而作極根恬而少膏赤朮葉細無極根小苦而多膏陶言

白朮即山薊赤朮即楊枹薊爾雅下文赤枹薊郭云即上枹薊此陶所本然赤朮今呼蒼朮矣蒼朮苗高

二三尺葉似棠梨束如鋸齒根蟠如蘊華淡紫色今藥用以茅山者良然古方不言赤白也南方草木狀

云藥有乞力伽卽朮也中山經云首山多朮莞郭注  
用爾雅類聚入十一引范子曰朮出三輔黃白色者

善枹朴子僊藥篇  
云朮一名山精

### 箭王

王帝也似藜其樹可以為  
埽藜江東呼之曰落蒂

說文作箭王藜繫傳云今落蒂艸也又云今落蒂或  
謂落藜初生時可食藜之類也本草地膚一名地葵  
別錄一名地麥唐本注名涎衣草蘇頌圖經名鴨舌  
草皆今埽蒂草也枝莖繇密乾之作蒂蜀本草云子  
色青似一眠  
起蠶沙矣

### 葇王芻

葇蓐也今  
呼鴨腳沙

說文引詩葇竹猗猗今詩作綠毛傳綠王芻也終朝  
采綠鄭箋綠易得之菜也離騷云賁葇施以盈室兮  
王逸注用爾雅詩正義引舍人云葇一名王芻李巡  
云一物三名某氏云葇鹿蓐也說文又云蓋艸也唐

本注蓋草俗名葇葇草葉似竹而細薄莖亦圓小按此卽今淡竹葉也其葉如竹花色淡碧人取汁入畫如點黛御覽引吳普本草云蓋草一名黃草蓋以其可染黃綠也說文莫艸可以染雷黃莫草卽蓋草漢書百官表云諸侯王蓋綬如淳注蓋綠也晉灼云蓋草出琅邪似艾可染綠因以名綬然則莫草卽蓋草蓋草卽葇以可染綠因而名綠綠葇字通也莫又作緌說文緌帛莫艸染色急就篇注緌蒼艾色是緌莫蓋並聲同段借莫葇又一聲之轉也

# 拜蒨藿

似藜

說文藿一曰拜商藿繫傳云商藿俗所謂灰藿也今按灰藿唐本草名白藿今名灰菜莖有紅縷葉青背

白其葉心有白粉四月初生可愈高數尺秋開細白華結子作穗藜全似藿而葉心赤俗謂之紅灰菜與白者皆可食

藜堪爲杖



繫瞞蒿

蒿白蒿鼓

今人呼青蒿香蒿壯鼓無子

繫說文作蘇詩采繫傳繫瞞蒿也七月傳繫白蒿也

正義引孫炎同在氏隱三年正義引陸璣疏云凡艾

白色為瞞蒿今白蒿也春始生及秋香美可生食又

可蒸一名游胡北海人謂之芴勃夏小正云繫母者

芴勃也邢疏引本草白蒿唐本注云此蒿葉麤於青

蒿從初生至枯白於眾蒿所在有之又云葉似艾葉

上有白毛麤澀俗呼蓬蒿可以為菹今按白蒿或說

即萋蒿非也萋蒿初生雖白而非白蒿爾雅萋有專

條說見下文○說文蒿鼓蒿香蒿也鼓或作莖詩鹿

鳴正義引陸璣疏蒿青蒿也荆豫之間汝南汝陰皆

云鼓也又引孫炎云荆楚之間謂蒿為鼓是鼓即青

蒿青蒿即草蒿本草草蒿一名青蒿一名方潰陶注

處處有之即今青蒿人亦取雜香菜食之按黃蒿氣

臭因名臭蒿青蒿極香故名香蒿黃蒿不堪食人家

採以罨醬及黃酒麴青蒿香美中啖也○蔚者說文

云牡蒿也詩蓼莪正義引舍人曰蔚一名牡蒿某氏

曰江河閒曰鼓陸璣疏云蔚牡蒿也三月始生七月  
華華似胡麻華而紫赤八月為角角似小豆角鏡而  
長一名馬新蒿按馬新廣雅作馬先謂因塵也因塵  
卽菌陳雖亦蒿類而與牡蒿有別陸疏誤矣牡蒿蘇  
恭謂卽齊頭蒿也葉似防風細薄而無光澤李時珍  
謂諸蒿葉皆尖此蒿葉獨參而秃故有齊頭之名今  
按此蒿名牡故郭云無子然陸璣謂角似小豆則非  
無子矣舊謂實大如車前實而內子微細不可見故  
人謂無子也

# 齧彫蓬薦黍蓬

別蓬種類

說文蓬蒿也籀文省作葦葦葦之言葦葦枝葉蘇盛  
蓬蓬然故謂之蓬晏子春秋雜上篇云譬之猶秋蓬  
也孤其根而美枝葉秋風一至根且拔矣今驗秋蓬  
葉似松杉秋枯根拔風卷為飛所謂孤蓬自振此卽  
齧彫蓬矣其薦黍蓬者說文薦獸之所食艸古者神  
人以薦遺黃帝帝曰何食曰食薦卽此薦矣薦古文

作蘼釋文引孫李本作蘼从古文也鄭樵通志以彫蓬為彫胡黍蓬為野菱楊慎卮言以蓬有水陸二種彫蓬乃水蓬彫芘是也黍蓬乃旱蓬青科是也青科結實如黍羌人食之今松州有焉此二說竝無依據蓬乃蒿類與菱芘別李時珍本草菰米下引孫炎云彫蓬即菱米亦未可信

### 蘼鼠莞

亦莞屬也纖細似龍須可以為席蜀中出好者

說文莞艸也可以作席書正義引樊光曰詩云下莞上簟郭云似龍須者中山經云賈超山多龍修郭注龍須也似莞而細出山石穴中可以為席是鼠莞即龍須之屬龍須本草名石龍芻一名草續斷一切經音義四引爾雅作葍鼠莞今从宋本作蘼疑書寫之誤宜據以訂正

### 勤鼠尾

可以染阜

勤一名鼠尾吳普本草名山陵翹陶注田野甚多人採作滋染阜蜀本注云葉如蒿莖端夏生四五穗穗

若車前華有赤白二種按今蔓草野人呼鴉子薺結莢銳長形如鳥薺亦似鼠尾也御覽九百九十五引孫炎云勤巨盈切可染卓

**荇**

荇葉細俗呼之曰老薺

荇說文作析易通卦驗立冬薺麥生月令鄭注以薺為靡草之屬薺之大者名荇荇南都賦云荇莫芋瓜齊民要術十引舍人曰薺有小故言大薺廣雅荇莫馬辛也本草荇莫一名葢析一名大戢一名馬辛生川澤及道旁呂覽任地篇云孟夏之管殺三葉而穫大麥高誘注管終也三葉薺亭歷荇莫也是月之季枯成大麥熟而可穫高分薺與荇莫為二非也薺之老者其葉轉細謂之大薺非大其葉郭注得之類聚八十二引郭注作似薺葉細今本脫去似字

**荼虎杖**

似紅草而麤大有細刺可以染赤



蔕即紅草之大者本草陶注曰野甚多狀如大馬藜  
莖斑而葉圓齊民要術六作杭子法如無杭皮用澆

杖根  
即此

### 孟狼尾

似茅今人亦以覆屋

孟玉篇作蓋俗御覽九百九十四引廣志云狼尾子  
可作黍子虛賦云其埤溼則生藏葳葳葳史記集解  
引漢書音義云葳葳尾草也是葳尾即狼尾郭注子  
虛賦云藏葳葳草中牛馬芻按今狼尾似茅而高人以  
苫屋俗名

蘆稗莖

### 瓠

樓瓠中瓣也詩  
云齒如瓠樓

說文匏瓠也詩匏有苦葉傳匏謂之瓠通作壺詩八  
月斲壺傳壺瓠也又通作華郊特牲云天子樹瓜華  
鄭注華果蒾也是華讀為瓠瓠華古音同也瓠曰瓠  
壺或作壺盧亦作瓠瓠有廿苦二種詩云甘瓠纍之

魯語云苦匏不材於人其濟而已今農家言瓠之甘者來年或變苦欲驗之於蔓初生時嚼其莖葉苦卽拔去之瓠中實謂之瓣釋文引舍人本瓠作瓠釋云瓠也詩正義引孫炎云棲瓠中瓣也郭注同引詩齒如瓠棲毛詩作瓠犀段借字也傳云瓠犀瓠瓣本爾雅又爾雅本亦有作瓠犀者文選祭古豕文注及御覽九百七十九引爾雅竝作瓠犀瓣是也瓜中實亦曰瓣說文瓣瓜中實也御覽引吳普本草云瓜子一名瓣七月七日採可作面脂是瓜子名瓣之證

### 茹蘆茅蒐

今之菹也  
可以染絳

說文茅蒐茹蘆人血所生可以染絳又云茜茅蒐也茜與菹同中山經云釐山其陰多蒐郭注茅蒐今之菹草也詩東門之墀正義引陸璣疏云一名地血齊人謂之茜徐州人謂之牛蔓蜀本草圖經云染緋草也葉似棗葉頭銳下闊莖葉俱澀四五葉對生節間蔓延草木上根紫赤色按葉甚允澤今田家名驢皸

子驢喜啖之也茅蒐所染謂之靺鞨而靺鞨卽茅蒐之合聲詩瞻彼洛矣傳云靺鞨者茅蒐染草也瞞鞨釋疑譚鄭箋靺鞨者茅蒐染也茅蒐靺鞨聲也正義引鄭駁五經異義云靺草名齊魯之間言茅蒐聲如靺鞨陳畱人謂之禱晉語云靺韋之附注韋昭注茅蒐今絳草也急疾呼茅蒐成靺也胡培翬曰鄭箋茅蒐靺鞨聲也謂茅蒐聲近靺也聲上靺字衍文左傳正義及國語注引皆云靺聲無靺字余按靺爲茅蒐之合聲茅蒐聲轉卽靺鞨非行也古讀蒐从鬼得聲陸氏釋文蒐色畱反非矣李孫義與郭同

### 果羸之實栝樓

今齊人呼之爲天瓜

栝樓果羸聲相轉羸當爲蒺栝樓當爲苦蔓皆段借也說文云莛蔓果蒺也在木曰果在地曰蒺苦蔓實兼二名詩東山正義引李巡曰栝樓子名也孫炎曰齊人謂之天瓜爾雅釋文引本草栝樓一名地樓一名天瓜一名澤姑一名果羸實一名黃瓜陶注云出近道藤生狀似土瓜而葉有叉實中人今以雜作手

膏用也按栝樓以實得名故詩及本草皆以實言其實黃色大如拳山中人呼爲生牛膽

# 茶苦菜

詩曰誰謂荼苦  
苦菜可食

說文茶苦菜也經典單言茶者如采茶薪樗堇茶如飴及誰謂荼苦皆謂苦菜也單言苦者如詩采苦采苦內則濡魚包苦實蓼及公會大夫禮鉏芻羊苦亦皆謂苦菜也詩縣正義引樊光曰苦菜可食者也爾雅釋文引本草云苦菜名茶草一名選別錄云一名游冬生山陵道旁冬不凋月令孟夏之月苦菜秀易通卦驗玄圖云苦菜生於寒秋經冬歷春得夏乃成今苦菜正如此處處皆有葉似苦苣亦堪食但苦耳顏氏家訓書證篇云葉似苦苣而細摘斷有白汁花黃如菊李時珍云稍葉似鸛背故名老鸛菜合顏陸李三說可盡茶菜之形狀邵氏正義引夏小正云四月取茶茶也者以爲君薦蔣也此引非也小正取茶乃是茅秀非苦菜也蔣爲薦藉非供會也詩有女如荼周禮掌茶國語望之如荼皆謂茅秀非爾雅苦菜



之茶苦菜華枯亦放自英圓小如毬隨風旋轉如輪  
而不類茅秀陶注本草及徐錯說文繫傳並以茶爲  
茗此又失之蓋緣釋木櫝苦茶而誤  
不知說文茶苦茶在草部自是菜耳

### 萑

今荒蔚也葉似荏方莖白華  
華生節閒又名益母廣雅云

說文云萑佳也縱蝦詩中谷有萑傳作萑雛也雛與  
佳同雌讎詩釋文引韓詩云萑荒蔚也正義引陸璣

疏云舊說及魏博士濟陰周元明皆云菴藺是也韓  
詩及三倉說悉云益母故曾子見益母而感引本草

云益母荒蔚也一名益母故劉歆曰萑臭穢臭穢即  
荒蔚也又引李巡曰臭穢草也是臭穢即荒蔚之轉

聲萑又荒蔚之合聲也今此草氣近媮惡故蒙媮穢  
之名爾雅釋文引本草一名大札一名益明一名貞

蔚又引陶注義與郭同今此草莖方葉三岐高四五  
尺亦有紅華者子細長三楞管子地員篇云薜下於

萑萑下於茅蓋言  
燥溼之異宜也